

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzvei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.6 Ng.14

Liggaeuq gveijmaux nienz ndwenseiq ngeihcaet

Geizsoq: Gungh daih 3576 geiz

Siz Ginbingz Raiz Saenq Hoh Aen Gauhfungh Lundanz Gaiq Daih'it Hwnqguh Guekgya Vwnzva Ak Haimuq Daegbied Gangj Daengz

Lai Ak Dawz Ndei Diuz Rap Vwnzva Moq Ok Gij Rengz Cingsaenz Hungloet Bae Hwnq Guekgya Ak Fukhwng Minzcuz

习近平致信祝贺首届文化强国建设高峰论坛开幕强调

更好担负起新的文化使命
为强国建设民族复兴注入强大精神力量

Sinhvazse Sinhcin 6 nyied 7 hauh dien Aen Gauhfungh Lundanz Gaiq Daih'it Hwnqguh Guekgya Vwnzva Ak 7 hauh lajbyongh-ngoenz youq Sinhcin haimuq. Cungh-gung Cunghyangh cungjsuhgi, Guekgya cujsiz, Cunghyangh Ginhveij cujsiz Siz Ginbingz fat saenq cukhoh, de daiqbiuj Dangicunghyangh angqvau cukhoh.

Siz Ginbingz youq ndaw saenq cukhoh vixok, Dangj raeuz itsim haenqrengz hawj yiengh vwnzva sevei cuji caiq couq baenz ronghlwenq moq. Daj Cibbet Daih Dangj raeuz doxdaeuj, raeuz guenj guek ceih biengz cix dawz hongsaeh guhndei vwnzva baij youq giz

doedok, mboujduenh gyalag gij nyinhrox hab gvilwd guhndei vwnzva, doinyoengx vwnzva ciepswnj fatmaj, hwnqguh aen guekgya vwnzva ak sevei cuji yamq ok yamqdin maenhsaed.

Siz Ginbingz daegbied gangj daengz, cienzmienh gvancez Aen Swhsiengj Sevei Cuji Miz Gij Daegsaek Cungguk Seizdaih Moq caeuq gij cingsaenz Ngeihcib Daih Dangj raeuz, lai ak dawz ndei diuz rap vwnzva moq, giendingh gag saenq vwnzva bonjfaenh, dawzdingh hailangh bauyungz, seizseiz souj goek cauhoq, gikfat daengx minzcuz ok rengzhoengh cauhoq cauhoq vwnzva, youz giz hwnjdin moq laeb-

daeb coihawj vwnzva mwnhoengh, hwnqguh aen guekgya vwnzva ak, guhndei vwnzmingz ciuhneix Cungh-vaz Minzcuz, mboujduenh coihawj vwnzmingz vwnzloih dox gyalouz dox hag'aeu, ok gij rengz cingsaenz hungloet bae hwnq guekgya ak fukhwng minzcuz.

Youq gwnz lundanz daeuz, Cunghgung Cunghyangh Cwngcigiz veijyenz, Cunghsenhbu bucanj Lij Suhleij doeg fung saenq Siz Ginbingz cukhoh neix caemhcai yienjgangj cawjdaez. De naeuz, fung saenq Siz Ginbingz cungjsuhgi cukhoh neix hawj vwnz raen daengz de gag saenq vwnzva bonjfaenh mbouj doenghngauz saekdi,

lailai gag rox gij vwnzva bonjfaenh, vix aen yiengq cingcuq hawj raeuz dawz ndei diuz rap vwnzva moq, guhndei vwnzmingz ciuhneix Cunghvaz Minzcuz. Raeuz yaek nyinhcaen hagsib gvancez gij cingsaenz gangjvah youq-gaenj Siz Ginbingz cungjsuhgi youq mwh hai Codanzvei Ciepswnj Caeuq Fatmaj Vwnzva gangj daengz caeuq gij cingcaenz vixyinx youqgaenj youq fung saenq cukhoh neix gangj daengz, dawz hwnj diuz rap, haenq guh baenzsaeh, yaengx sang fan geiz swhsiengj, gyaak gij rengz cingsaenz, ndaem laeg goekrag vwnzva, doinyoengx mwnhoengh fatmaj, coihawj dox gyalouz dox hag'aeu.

Liujcwngz Yen Senhconz Langhbaij Vwnzva Lijyouz Caeuq Baijyienj Feihyiz Coihawj Gak Minzcuz Doxcunz Doxhag Doxcaemh

柳城县以文旅宣传展示和非遗展演促各民族交往交流交融

6 nyied 9 hauh, Liujcwngz Yen youq ndaw yienh Bwzyangz Gvangjangz guh yienghsaeh senhconz langhbaij vwnzva lijyouz caeuq doxdax baijyienj feihyiz "ngoenz yizcanj vwnzva caeuq swyenz". Guh doxdax gaxgonq vanzlij hawj vunzlai boux son boux hag guhdoihae daejniemh feihyiz. Baez yienghsaeh neix aeu "feihyiz" guh moiz coihawj daengx yienh gak minzcuz doxcunz doxhag doxcaemh, raen yiengh miz sim baenzsaeh bae hawj vunzlai laemxsim seizseiz nyinh Cunghvaz Minzcuz ranz vunz ndeu. Ndaw doz dwg canghfwen son hagseng eufwen.

(Cau Veij/赵伟)



Dava 5 Fanh Lai Boux Duetgungz Gaem Maenh "Vanjngaiz" Couhnieb

大化 5 万余脱贫人口端稳就业“饭碗”

6 nyied 11 hauh, Dava Yauzcuz Swciyen boux senj ranz youq Gujgyangh heuhguh Veiz Ciuhcin lumj bingzciengz nei daengz canjyeyenz ndaw yienhsingz hauej Gvangjsih Hanguj Denswj Gohgi Youjhan Gunghsw hwnjban. Ngamq

doiq couhmoz, danhsieh vihliux ganjgip guh hong dinghdan, de mbouj siengj yietnaiq. De hwnjban ne cienzgoeng ciuq gienh suenq aeu, lai guh lai ndaej, ndwen ndaej 3500 maenz baedauq, bingzciengz ndaej gag dingh seizlawz yietnaiq, caemh ndaej

ganq hongsaeh ndaw ranz. Veiz Ciuhcin raen faenh hong neix rimhoz raeuh.

Daj bineix doxdaeuj, Dava ok haujlai banhlap hai rengz hung hawj gyoengq vunzhong lajmbanj gaijhangz, gyamaenh gij cwngzgoj haenqrengz

duetgungz, coengh guhhoengh lajmbanj. Suenq daengz dangqnaj, daengx yienh hawj 12.4 fanh vunzhong gaijhangz, ndawde miz 5.18 fanh vunz dwg boux duetgungz.

(Liu Gingling Cinz Hanfungh)